

活人慈航

十

家藏袖珍活人慈航雜症集腋卷四目錄

面 面熱 面寒 面腫 雀斑 黎黑點黯

黑志 白屑風 油風 肺風粉刺

腮頰 耳聾 耳鳴 耳腫 耳癢 虫入耳

耳膿汁 耳疔 耳衄 耳痔 耳瘡

鼻 鼻塞 鼻皴 鼻淵 鼻痔 鼻瘡 鼻疔

酒鼓 鼻疳蝕

頭痛 雷頭風 眉稜骨痛 頭風屑 面痛

大頭痛 眩暈 頭搖 頭項強痛

肩背痛 臂痛 腰痛 腰軟 腰膝痛 脊痛

尻痛

腿痛 膝痛 足跟 足心 身體痛

瘧疾

自汗盜汗 頭汗 牛片汗

黃疸

煩躁謔言 驚悸健忘 循衣摸床 喜笑 怒

怔忡 恐 失志

不寐 多臥

不能食

癩狂癩

內癱 肺癱 腸癱 胃癱 脾癱 肝癱 腎癱

心癱 三焦癱

大厥風 烏白癩 徧身搔癢

蟲

脫

蜀漆散 牝瘧多寒亦治温瘧加蜀漆半分

蜀漆 雲母 龍骨 為散漿水服半錢匙臨發服

小柴胡湯 柴胡黃芩半夏人參炙甘草棗

桂枝羌活湯 桂枝羌活防風甘草

麻黃羌活湯 麻黃羌活防風甘草

清脾飲

白木 厚朴 炙甘 草菓 青皮 柴胡 黃芩

半夏 茯苓 大棗 薑

截瘧丸 治久瘧不已形氣實者

人言系 綠豆一兩 各為末和勻水丸桑豆大陰乾發日

五更冷水送下五丸或七丸

半夏瀉心湯 指南

半夏 黃連 黃芩 乾姜 生姜 枳實 大棗

雙解散

改定

防風 荆芥 川芎 桔梗 連翹 薄荷 石膏

滑石 黃芩 梔子 大黃 朴消 麻黃 甘草

乾葛 生姜

柴葛湯

柴胡 黃芩 葛根 羌活 防風 薄荷 花粉

甘草 虫退 加細辛 暑再加香茹黃連

滌痰湯

半夏 茯苓 陳皮 竹茹 枳實 南星 石菖蒲

甘草 生薑汁 元明粉

麻桂柴物湯 是四方合一

麻黃 桂枝 桃仁 白芍 甘草 柴胡 黃芩

芍藥 當歸 川芎 生地 姜棗

小柴胡湯加常山三青皮牙寅時服復渣辰時服如吐任其
吐去痰涎 若熱實加大黃 久瘧加桃仁當歸莪木

三消飲吳奇

檳榔 厚朴 草菓 柴胡 葛根 羌活 甘草

黃芩 知母 大黃 生姜

丹青散 治溫瘧暑瘧熱多者尤效

青蒿 為末每服二錢陳茶赤沙糖調服 瘧來日早瘧

前一時服瘧來日晏瘧後一時服 此走少陽入厥陰涼

血散血治留熱在骨節間亦可治禁舍之伏邪所謂惟瘵

血憎寒熱故常效

瘧母丸

鱉甲三三陵 我大各香附三阿魏三 醋製為丸

養胃湯

蒼朮 厚朴 半夏各 陳皮 炙甘各 茯苓

草菓 藿香各 每服一兩 姜枣煎服

羌活麻黃湯 麻黃 羌活 防風各 甘草一

涼膈散 黃芩 梔子 連翹 薄荷 大黃 朴消 甘草 竹葉

補遺 伏暑 瘧疾 瘧來 先手足冷 或但足冷 或手足指冷 則發

大熱 口渴 引飲 煩心 小便赤 大便調和 舌有白胎 或無胎

有汗 出頭重 身疼 不眠 其脉必沈弦 或兼緊 兼數 此瘧邪

在少陽之裏 宜大柴胡湯 去大黃 無下症也 加入桂枝 乾

葛 朴消 滑石 青蒿 以退潮熱 數劑必愈 若無汗 出頸痛

身疼 表症急 可加麻黃 紫蘇 大熱 必口渴 若口燥 不甚渴

或煩心 甚或兼熱 來神識昏憤 其脉必帶滑 或滑數 此夾

痰也 必加入半夏 南星 瓜婁 陳皮 苓朮 之類 重則佐以生

姜汁 煩甚 不安 用半夏 五錢 生姜汁 一盞 沖服 瘧來心

胸痞塞氣促邪結在膈可加蘇子芥子萊菔子枳殼桔梗
瓜蒌陳皮 熱甚大便不通或舌胎黃或因熱燒及脣皮
破爛此均為下症宜加大黃錢半或二錢下之甚則大柴
胡湯涼膈散益元散三方合服以退其熱有表症宜雙解
散汗下之 若在暑月脉虛弱其人形體實不可作虛治
暑月脉虛故也故曰毋以脉診以症為率

加味大柴胡湯 手足冷者衛氣不行四末故也

脉沈者屬裏屬氣也

柴胡 各半

黃芩 一分

半夏 一分

乾葛 二分

桂枝 各半

枳實 一分

滑石 三分

青蒿 二分

甘草 五分

枳實 各半

生姜 三片

嘔吐加生姜汁

口渴去半夏加花粉

此案原本無同治丙寅茶蓮父命補錄之

自汗盜汗

脉法醫通云汗家腠理疎豁其脉必緩 兼浮為風 兼滑

為痰 兼大為熱 兼弱為衛虛 兼孔為失血 兼澀
為氣虛 兼細為陰虛 經云肺脈軟而散當病灌汗肺
脈緩甚為多汗尺澀脈滑謂之多汗 金匱師曰男子平
人脈虛弱細微者善盜汗也

不治症 汗出喘甚者不治 汗出而脈脫者不治 汗出
而身痛甚者不治 汗出髮潤至顛者不治 汗出如珠
者不治 汗出如膠之粘如珠之凝及汗出淋漓如雨指
拭不逮者皆不可治

自汗盜汗如風溼風溫溼熱溼溫溫熱暑病傷寒中風時疫
三陽合病少陽餘熱亡陽中寒二感等症另詳

自汗者衛氣虛而肌表不同也宜玉屏風散牡蠣散 常有
汗出為藥衛不和合宜桂枝湯汗之則愈 若食少無味
形瘦色黃尿虛而自汗出者宜黃芪建中湯黃芪六一湯

衛陽虛甚則傷及元陽惡寒厥冷倦臥自汗出者宜芪
附湯脈微欲絕宜參附湯 或陰盛格陽身冷自汗陰躁
欲坐坭水中脈浮而數按之如無宜真武湯冷服 身重
脈細肢冷自汗宜附末湯陽虛兼脾溼也 病後產後氣
血俱虛自汗盜汗脈虛弱者宜十全大補湯去川芎加棗
仁五錢或生脈散加黃芪當歸棗仁一服立愈 陰虛則
火浮於肌表肌表熱則腠理開而自汗出此自汗是陰虛
如形瘦脈細失血亡精而自汗出者宜當歸六黃湯秦苳
鱉甲散

寐則汗出寤則汗止謂之盜汗為陰虛熱浮於表宜當歸六
黃湯六味地黃丸加五味子 蒸熱盜汗脈細數秦苳鱉
甲散秦苳扶羸湯 衛陽虛不能鼓其脈氣於腠理則不
能約束津液當衛行陰之時腠理開不固則盜汗出醒則

行陽之氣復於腠理則汗止此盜汗屬衛陽虛也如形衰
色黃食少無味脉來虛微細弱而多盜汗者宜黃芪建中
湯

痰涎阻礙中氣則衛氣亦不運行亦有自汗宜二陳湯痰消
汗止 酒客臥則溼熱不行蒸於肌表亦有盜汗宜五苓
散 陽明胃熱則火浮脉緩而大者涼膈散胃熱火浮亦
有自汗盜汗

頭汗者頭以上出汗頭以下無汗有陽虛不固病後產後脉
虛微者宜黃芪六一散 亦有瘀血內蓄逼其津液隨三
陽以上行頭汗出漱水不欲嚥腹中有痛素作勞性急或
跌打損傷脉弦芤宜犀角地黃湯加大黃產後畜血宜桃
仁承氣湯下之 亦有食滯中宮熱氣上薰而頭汗出氣
口紫或惡食痞悶者宜五保和凡水香換柳丸

身半邊有汗半邊無汗此衛氣不能週於左右也宜養榮湯
候元氣稍充即間服小續命湯一貼以開發其表 陰間
出汗屬肝腎有溼熱熱則此處出汗也宜龍膽瀉肝湯
手足出汗有脾中溼熱蒸於四肢宜二陳湯加黃連白芍
有脾氣虛不能固於四肢宜理中湯加烏梅 凡自汗用
參芪朮附不應此風邪伏於經絡暫與參蘇飲病已止服
此反治也 盜汗大如雨久不愈困憊諸藥無應余用侯
氏黑散立愈

方

黃芪六一湯 治諸虛不足肢體勞倦胸中煩悸時常焦渴
唇口乾燥面色痿黃不思飲食
黃芪 六兩 炙甘草 三枚 大棗 三枚

芪附湯

氣虛陽弱虛汗不止肢體倦怠

黃芪系 附子二系

玉屏風散 防風 黃芪各系 白朮系

牡蠣散 治盜汗自汗

黃芪系 麻黃根系 牡蠣三系

當歸六黃湯

當歸 生地 熟地乾 黃柏 黃芩各系 黃連五分

黃芪二系 水煎服

真武湯

茯苓 炒芍 生姜 白朮各系 附子四系

黃疸

內經 目黃者曰黃疸 身痛而色微黃齒垢黃爪甲黃黃疸也安臥小便黃赤脉小而澀者不嗜食 溺黃赤安臥者黃疸 食已如饑者胃疸 腎所生病為黃疸 黃疸

暴病癩疾厥狂久逆之所生也 風者百病之長也今風
寒客於人使人毫毛畢直皮膚閉而為熱當是之時可汗
而發也或痺不仁腫痛當是之時可湯熨及火灸刺而去
弗治肝傳之脾病名曰脾風發瘴腹中熱煩心出黃

仲師曰傷寒脉浮而緩手足自温者是為繫在太陰太陰者

當發身黃若小便自利者不能發黃 陽明病被火額上

微汗出而小便不利者必發黃 陽明病無汗小便不利

心中懊懣者身必發黃 陽明病面合赤色不可攻之必

發熱色黃小便不利也 陽明病身熱面赤是太陽陽明也若誤攻之則陽明身熱不解更傳入太陰而發黃 脉沈渴

欲飲水小便不利者皆發黃 疸而渴者其疸難治疸而

不渴者其疸可治發於陰部其人必嘔發於陽部其人振

寒而發熱也 黃疸治其溼熱其渴不止者溼熱甚而難治也其渴止者溼熱有退而易治 陰部傷飲食 黃疸之病當以十

八日為期治之十日以上瘥反劇為難治 十八日三兩本陰之期 寸口脉

義下之下 五 雜齋

浮而緩浮則為風緩則為痺痺非中風四肢苦煩脾色必

黃痰熱以行病在陰命曰痺寸口診外即三部脈邪入木陰脾主溼鬱成熱溼熱相合脾

剛色黃如跌陽脈緊為傷脾風寒相搏食穀則眩穀氣不消胃

中苦濁濁氣下流小便不通陰被其塞熱流膀胱身體盡

黃名曰穀疸夫食感冒風寒則宿不消化胃氣不行小便不通則溼鬱成熱塞於脾溼

即氣口脈額上黑微汗出手足中熱薄暮即發眊眊急小便

自利名女勞疸腹如水狀不治女勞下焦虛則脾上下乘腎水脾經溼熱痰

血瘀且甚則心中懊懣而熱不能食時欲吐名曰酒疸酒家溼甚於

日久發甚變黑諸黃家但利其小便假令脈浮者當以汗解之

宜桂枝加黃芪湯黃疸浮為在表宜麻黃醇酒湯若脈浮有

疸發熱煩喘胸滿口燥者以病發時火劫其汗二熱相得

然黃家所得從溼得之一身盡發熱而黃吐熱熱在裏當

下之黃疸腹滿小便不利而赤有汗出此為表和裏實

當下之宜大黃硝石湯

必如此乃

黃疸病小便不利者茵陳五

苓散主之

陽明病發熱汗出此為熱越不能發黃也但

頭汗出身無汗齊頸而還小便不利渴飲水漿者此為痰

熱在裏身必發黃茵陳蒿湯主之

傷寒痰熱在表身必

發黃麻黃連喬赤小豆湯主之

傷寒身黃發熱梔子蘄

皮湯主之

諸黃胸滿而嘔者小柴胡湯主之

傷寒七

八日身黃如橘子色小便不利腹微滿者茵陳蒿湯主之

七日傳太陰日期

腹滿身痿黃躁而不得睡屬黃家

穀疸之為病寒

熱不食食則頭眩心胸不安久久發黃為穀疸茵陳蒿湯

主之

續法胃疸湯柴胡茵陳枳實穀芽散

黃家日晡

所發熱而反惡寒此為女勞得之膀胱急腹滿身盡黃額

上黑足下熱因作黑疸其腹脹如水狀大便必黑時溇此

女勞之病水也腹滿者難治硝石礬石散主之

午後寒熱非外感者為陰

虛腹滿勝脫急小便利大便黑是下焦畜血症 腹滿是瘵極陰敗
故難治 血瘵甚則色黑因作黑疸

續法色黑者猪

膏髮煎色黃如金者胃疸湯 酒黃疸者或無熱譫言小
腹滿欲吐鼻燥其脉浮者先吐之沈弦者先下之 夫病
酒黃疸必小便不利其候心中熱足下熱是其症也 酒
疸心中熱欲吐者吐之愈 酒黃疸心中懊懷或熱病梔
子大黃湯主之 酒疸下之久久為黑疸目青而黑心中
如噉蒜薤狀大便正黑皮膚爪之不仁其脉浮弱雖黑微
黃故知之猪膏髮煎主之 續法吐用梔子豉湯虛用葛
花解醒湯 黃疸病小便色不變欲自利腹滿而喘不可
除熱熱除必噦噦者小半夏湯主之 男子黃小便自利
當如虛勞小建中湯 陽明病脉遲食難用飽飽則發煩
頭眩小便必難此欲作穀疸雖下之腹滿如故所以然者
脉遲故也 按此當用理中湯
如砂仁陳皮 傷寒發汗已身目為黃所以然者

以寒溼在裏不解故也以為而可下也於寒溼中求之
陰黃者厥冷脉沈或服寒涼過多變為陰黃或因過食寒物
而成四肢厥冷通身皮膚皆冷心下痞鞭自利倦臥宜茵
陳附子乾姜湯 曹姊丈初身熱煩渴心胃痛用避瘟丹
雙解散次日目黃腹黃小便黃赤手足冷如冰煩躁脉微
有汗出作溫邪傳入厥陰治用四逆散三服來復丹一服
厥回躁止胃脘右邊痛用柴胡枳實散治少陽服二貼第
三日身大熱面赤如硃有汗鼻衄口大渴脉洪數而浮此
傳陽明散漫之熱用三黃石膏湯一貼熱渴面赤并退全
愈

準繩云大法宜利小便除溼熱 脉浮腹中和宜汗 脉浮
心中熱欲吐者宜吐 脉沈心中懊懣或熱痛腹滿小便
不利而赤自汗出宜下 脉不浮不沈而弦胸滿嘔吐宜

和解 脉沈細無力身冷而黃或自汗泄利小便清白為
陰黃方可用溫藥 男子大便自利宜補 飢飽勞役內
傷中氣變寒病生黃宜補 治疸須分新久新病初起即
當消導攻滲如茵陳五苓散茯苓滲溼湯無不效者 久
病又當變法脾胃受傷日久則氣血虛弱必用補劑如參
朮健脾湯當歸秦艽散若口淡怔忡耳鳴腳軟脉虛微細
弱當作虛治宜養榮湯四君子湯送下八味地黄丸 脫
血面黃病後面黃宜補

食勞疴黃俗名黃胖宿病也至有久不愈者宜小溫中丸棗
礬丸 目黃而身不黃者經云風氣與陽明入胃循脉而
上至目內眥其人肥則風氣不能外泄則為中熱而目黃
煩渴引飲按此當用通聖散加茵陳

歌括面目身黃但欲安臥小便渾黃此黃疸也如食已如饑

食難用飽飽則心煩頭眩此欲作胃疸胃疸者即穀疸也
若已見黃色疸已成矣得之於胃有溼熱太饑過食也酒
疸者得之於飲酒無度而發是病也女勞疸者疸而額黑
少腹急小便利得之於大勞大熱與女交接也瘀血發黃
亦少腹急小便自利但不額黑也陰黃則屬寒溼故身重
而痛厥冷如水

黃疸死症 色若烟薰目神暗青陽黃死症也喘滿煩渴不
已心胸如啖蒜刺痛黃毒入腹死症也面色薰黑冷汗黏
聚陰黃死症也天行疫癘發黃名曰瘟黃死人最暴也

諸疸表實無汗者以麻黃茵陳酒煎服汗之裏實不便者以
茵陳梔子大黃下之無表裏症以茵陳梔子蘘皮清之小
便短少以茵陳五苓散利之 穀疸實熱宜下之不可下
者宜胃疸湯 酒疸虛者宜解醒湯加茵陳有下症宜梔

子大黃湯下之 女勞疸實者用石膏滑石每服二錢大
麥湯調服虛者宜腎疸湯

方

麻黃醇酒湯 麻黃三斤 白酒煎服歌括加茵陳三斤

麻黃連喬赤小豆湯

麻黃 連喬 炙甘 生姜各二斤 茵陳 赤小豆各三斤

杏仁一斤 大棗三枚 生梓白皮四斤 本方無茵陳

梔子豉湯 梔子大七枚山枝廿枚生用 淡豆豉三斤 水三碗煎梔

子至一碗半入豆豉煎七分溫服一服得吐止服

大黃硝石湯 大黃 黃柏 消石各二斤 梔子半斤

茵陳蒿湯 茵陳六斤 梔子一斤 大黃一斤 三服小便當利尿

如皂莢汁狀色正赤一宿復減黃從小便出也 此明言不作泄止 呈利小便少用大

黃也

茵陳五苓散 治傷寒瘟疫溫熱暑溼發黃小便不利赤黑

五苓散 兩 茵陳 五各另煮和勻

茯苓滲溼湯 治黃疸嘔吐寒熱飲水身體面目俱黃小便

不利全不思食不得臥 又名胃疸湯

白朮 茯苓 朱苓 澤瀉 蒼朮 陳皮 茵陳

梔子各黃連 秦艽 葛根 防已各四分

小柴胡湯 柴胡 芍藥 黃芩 半夏 炙甘草 姜棗

柴胡 茵陳 枳實 穀芽散 治穀疸痞滿食則頭眩

柴胡 黃芩 半夏 茵陳 梔子 枳實 麥芽

炙甘草 姜棗煎服

梔子蘗皮湯 梔子 芍藥 黃蘗 炙甘草

參朮健脾湯 治發黃日久脾胃虛弱飲食少

人參 白朮 茯苓各半 炙甘草 陳皮 白芍 當歸

黃芪各 芩豆各 大棗三枚

當歸秦艽散 治五疸口淡咽乾倦怠發熱惡寒

白朮 茯苓 秦艽 當歸 川芎 白芍 熟地

陳皮 半夏 炙甘 姜棗

硝石礬石散 硝石炒 礬石枯 等分為末以大麥粥汁和服

方寸匙日三服病隨大小便去小便正黃大便正黑是其

候也

腎疸湯 治腎疸目黃通身金色小便赤澀 脾垂腎未畜血且

升麻各 蒼朮不 防風 獨活 白朮 柴胡 羌活

葛根各 茯苓 猪苓 澤瀉 甘草各 黃柏各 人參

神駒各六分

施子大黃湯 施子 大黃 豆豉各半

猪膏髮煎 治諸黃疸

指膏八兩 亂髮 雞子大三枚 二味煎之髮消藥成分再服病

從小便出

棗礬丸

青礬煨 為末棗肉丸桐子大服二三十丸姜湯下

茵陳附子乾姜湯

附子三分 乾姜二分 茵陳各半斤 草薢一斤 白朮 枳實 半夏

澤瀉各 茯苓 陳皮各三分 生薑三斤

吳又可瘟疫六書云舊論發黃有從溼熱有從陰寒者是亦妄生枝節學者有多歧之惑矣夫傷寒時疫既已傳裏皆熱病也燻萬物者莫過於火是知大熱之際燥必隨之又暇生寒生溼辟若冰炭豈容并處耶既無其症焉有其方智者所不信也 余見數人黃疸手足冷身冷脈沈微煩躁用陰黃藥無一效

黃疸

義下之下

五五

雜症

煩躁讖言 驚悸健忘

煩躁醫通云煩躁俱作有屬熱者有屬寒者先哲治獨煩不躁者多屬熱惟悸而煩者為虛寒治獨躁不煩者多屬寒惟火旺脉實者為熱蓋煩者胸中煩為內熱躁者手足躁擾或裸體不欲近衣或欲投井中為無根之火急以附子理中湯四逆冷服若悞認為熱投以寒涼則週身之火得水則升走頃刻喘汗外脫而死 凡表症不得汗內外皆熱而躁亂不寧取汗則定裏實熱鬱大便不通脉數實有力者下之則定火客心包絡或酒客膏粱上焦多火令人煩躁宜涼膈散汗下後熱不止而發狂躁者此熱乘少陰也葶藶苦酒湯探吐之汗下後虛而躁煩者為亡陽宜桂枝龍骨牡蠣湯以上皆治躁亂之法

煩 陳無擇云虛煩身不覺熱頭目昏痛口乾嗑燥不渴清

清不寐是也。大法津液去多，五內枯燥而煩者，八珍湯加竹葉、棗仁、麥冬、榮血不足，陽勝陰微而煩者，生脈散。加生地、骨皮、白芍、竹茹，或養榮湯送下。硃砂安神丸、腎水下竭，心火上炎而煩者，六味地黃湯少用肉桂為引。肥人虛煩不眠為飲宜，溫胆湯。大病後有餘熱嘔吐欬逆虛煩不安，梔子豉湯。煩而小便不利，五苓散。益元散。煩而嘔，不喜食，金匱竹茹、橘皮湯。虛勞虛煩不得眠，金匱酸棗仁湯。不食不寐，虛煩者，溫胆湯。凡虛煩有胃症，并宜溫胆湯以和胃。

譊妄

醫通云：譊多言也。言為心聲，由火燭而鳴，故心熱則

多言猶醉而心熱，故多言也。或寐而多言者，俗云睡語熱之徵也。若熱甚雖寤而神昏不清，則譊語也。妄，虛妄也。火為陽，故外清明而內濁昧。其主動亂，故神志失常，如見鬼神也。夫血氣者，身之神也。神既衰，乏痰客中，焦妨礙升降。

不得運用以致十二官失職視聽言動皆有虛妄蓋虛病
痰病有似鬼崇者宜濟生棗仁湯或歸脾湯送下牛黃丸
硃砂安神丸尸疰五尸謔言妄語必有心腹絞痛脹滿
刺痛衝心攻脇氣息喘急等症宜蘇合香丸備急丹疴痧
丸

循衣摸床撮空多是大虛之候不問雜病傷寒以大補之劑

投之多有得生者如參芪歸朮炙甘附子之類海藏云

有大脫血前後失血血液枯燥其熱不除循衣撮空摸床

閉目錯語失神躁擾不甯脉弦浮而虛宜生地黃黃連湯

此尚虛病 蒸極神昏十餘日不大便腹脹喘滿氣粗鼻乾循

衣撮空摸床謔言狂妄脉沈實而滑宜承氣湯此外入之病 又

手冒心前交撮空摸床謔語昏沈不省人寧宜節菴升陽

散火湯小利者可治不利者不治此氣虛火乘三方俱治不大便

喜笑不休喜笑者心火之盛也五行中惟有火有笑昔人治
笑不休口角流涎用黃連解毒湯加半夏竹瀝姜汁而笑
止亦有用鹽一兩炒令赤放冷河水煎探吐熱痰而愈
怒則逆丹溪治善怒用香附六兩甘草一兩為末白湯下
悲 仲師云婦人皴燥善悲傷欲哭有如神靈所作數次仲
甘麥大棗湯主之醫通云凡肺燥悲愁欲哭宜潤肺氣降
心火為主常用生脉散二冬生地等隨手而效若作癲疾
而用金石則悞矣

準繩或問驚悸怔忡恐怖之別曰悸即怔忡也怔忡本無所
驚自心動而不甯驚者因外有所觸而卒動子和云驚者
為自不知故也恐者為自知也蓋驚者聞響即驚恐者自
知如人將捕之及不能獨自坐臥必須人為伴方不恐懼
或夜必用燈照無燈燭亦恐懼是也

驚 心膽虛怯觸事易驚或夢寐不祥遂致心驚膽懾或臥

則魂夢飛揚驚悸不寐宜温胆湯珍珠母丸 三因方云

五飲停畜閉於中晚最使人驚 治屬飲家宜小半夏加

茯苓湯熱傷神明驚悸恍惚宜硃砂安神丸

怔忡 丹溪云怔忡大概屬血虛與痰 有思慮便動屬虛

時作時止者痰因火動 瘦人多是血虛 肥人多是痰

飲 真覺心跳者屬血少宜四物安神之類 金匱食少

飲多水停心下甚則悸微者短氣心下悸者半夏麻黃丸

主之亦可用温胆湯五苓散 脉結代而悸灸甘草湯

久思所愛或觸事不意以至虛耗真血心血不足遂成怔

忡宜養榮湯 或有陰火上衝怔忡不已甚者火炎於上

或頭眩眼花或齒落頭脫或耳鳴或腹中作響宜滋陰

抑火湯降火不惑心附子散之 怔忡之心下痞隔間有

水眩悸者半夏茯苓湯主之 假令瘦人臍下悸吐涎沫
而顛眩此水也五苓散主之 怔忡脉法沈細屬飲 結
代者虛而有飲 虛弱者屬氣虛 沈數者為血熱 尺
中弦緊為腎氣凌心寸口脉動而弱動則為驚弱則為悸
恐 經云精氣并於腎則恐又云肝藏血血不足則恐常多
畏恐不能獨臥如人將捕之狀宜人參散即熟仁散
失志 有失志者由所求不遂或過誤自咎懊恨嗟嘆不已
獨語書空若有所失宜温胆湯加入參柏子仁下定志丸
或歸脾湯 有痞塞不飲食心中常有所歉愛處暗地或
倚門後見人則驚避似失志狀此為卑慄之病以血不足
故耳宜養榮湯異功散加當歸黃芪定志丸加當歸
健忘 準繩云人生氣稟不同得氣之清則心之知覺者明
得氣之濁則心之知覺者昏心之明者無有限量雖千百

世已往之事一過目則終身記而不忘豈得忘其目前者乎心之昏者精神既短則目前亦不能追憶其事矣不待於病心也可間謂水清明而火昏濁故上善若水下愚若濁此稟質使之然也醫通云內經之原健忘者俱責心腎不交心不下交於腎濁火亂其神明腎不上交於心精氣伏而不靈火居上則因而為痰水居下則因而生躁躁擾不甯是以健忘也 思慮過度病在心脾者歸脾湯有加竹瀝精神短少者養榮湯煩勞傷損心榮瘦人陰虛宜天王補心丹肥人痰迷心竅宜導痰湯有火有痰心煩健忘宜溫胆湯牛黃清心丸

方

桂枝龍骨牡蠣湯 火逆下之因燒針煩躁者

桂枝芍藥甘龍骨牡蠣各二升

竹葉石膏湯 傷寒解後虛羸少氣氣逆欲吐

竹葉 石膏三斤 半夏 人參 甘草炙各一斤

粳米 一斤 麥冬 三斤

橘皮竹茹湯 治噦逆

橘皮 竹茹各一斤 炙甘草 人參 姜棗

梔子豉湯 汗下後煩熱胸中窒者虛煩不得眠反覆顛倒

心中懊憹

梔子 五十 淡豆豉 一兩 得吐止服

甘麥大棗湯

甘草 三斤 小麥 一兩 大棗 三枚 此上金匱方

硃砂安神丸 治心亂煩熱怔忡心神顛倒胸中氣亂而熱

硃砂 一斤 黃連 三斤 甘草 一斤 生地 二斤 當歸 三斤

米糊丸

温胆湯 心胆虛慎觸事易驚及治熱嘔吐苦虛煩驚悸不

眠痰氣上逆

半夏二升 枳實二升 竹茹三升 陳皮三升 甘草一升

茯苓二升 每服四錢姜棗煎

生地黃黃連湯 四物湯加黃連黃芩防風

升陽散火湯

白朮 當歸 陳皮 麥冬 茯苓 黃芩 白芍各半

柴胡半升 炙甘草五分 姜棗 即消遙散加陳皮麥冬黃芩

珍珠母丸 治肝虛不能藏魂驚悸不寐

石決明 龍骨 人參 茯苓 棗仁 柏子仁

犀角各兩 當歸 熟地乾各三兩 沉香 硃砂各五不 蜜丸

滋陰抑火湯 生地 當歸 沙芩 川芎 黃連

知母 熟地各半 肉桂 升干各三分

久志光 治驚悸恐惧

菖蒲 遠志 各二兩 茯神 三兩 人參 二兩 蜜丸

熟仁散

熟地乾 柏子仁 枸杞 棗皮 茯神 五味

人參 枳殼 肉桂 菊花 每服二錢酒下

不寐 多臥

內經云邪氣之客人也或令人目不瞑不臥出者何氣使然

曰五穀入於胃也其糟粕津液宗氣分為三隧故宗氣積

於胸中出於喉嚨以貫心脉而行呼吸焉榮氣者泌其津

液注之於脉化以為血以榮四末內注五藏六腑以應刻

數焉衛氣者出其悍氣之標疾而先行於四末分肉皮膚

之間而不休者也晝行於陽夜行於陰常從足少陰之分

間行於五藏六腑今厥氣客於五藏六腑則衛氣獨衛其

不寐

義下之下

卷

特正四

外行於陽不得入於陰行於陽則陽氣盛陽氣盛則陽蹇
滿不得入於陰陰虛故目不瞑治之柰何曰補其不足瀉
其有餘調其虛實以通其道而去其邪飲以半夏湯一劑
陰陽已調其臥立至

人之多臥何氣使然曰此人腸胃大而皮膚溼而分肉不解
焉腸胃大則衛氣留久皮膚溼則分肉不解其行遲夫衛
氣者晝日常行於陽夜行於陰故陽氣盡則臥陰氣盡則
寤故腸胃大則衛氣行留久皮膚溼分肉不解則行遲留
於陰也久其氣不精則夜瞑故多臥矣 其腸胃小皮膚
滑以緩分肉解衛氣之留於陽也久故少瞑焉 邪氣留
於上焦上焦閉而不通已食若飲湯衛氣留久於陰而不
行故卒然多臥 先其臟腑誅其不過後調其氣盛者瀉
之虛者補之必先明知其形志之苦樂定乃取之

精而夜眠老者之氣血衰其肌肉枯氣道澀五臟之氣搏
其榮氣衰少而衛氣內伐故晝不精夜不寐

不寐體肥多痰不食嘔噦右脉滑大胸膈痞悶宜温膽湯

胃虛食少不得臥宜半夏秫米湯 年高陽衰不得臥六

君子湯加棗仁黃芪已上屬胃不和則臥不安形瘦多火口苦舌乾心煩

不寐左脉洪數者屬火擾亂心神不能臥若胸中氣亂而

熱怔忡不寐宜硃砂安神丸 虛勞虛煩不得眠宜酸棗

仁湯 骨蒸煩熱不得眠生地一兩棗仁五錢煎服 心

煩不得眠可進梔子豉湯及安神丸不應再用神砂益元

散更不應者屬虛宜養榮湯 病後虛煩不得寐宜竹葉

石膏湯 病後餘熱不止久不得臥宜六味地黃湯 病

後或汗下後潰瘍後不得眠屬虛宜養榮湯

不寐多臥

義丁之下

李

推

凡病久或老人能食能寐易治不食不寐難調不寐傷神不食傷胃故也

醫通云不得臥多起於煩心思慮喜怒驚恐五志不伸鬱而

聚痰生飲宜溫膽湯加柴胡棗仁立愈

多臥 用生棗仁一兩細茶二兩為末每服二錢 多臥灸

法無名指第二節尖屈指取之灸一壯

嗜臥東垣云脈緩怠惰四肢不收或大便泄瀉此溼也宜胃

苓湯 食下則困倦精神昏胃而欲睡者脾虛也宜六君

子湯加麴麥山查 怠惰嗜臥惡寒氣短不嗜食此陽虛

不升也宜升陽益胃湯

方

半夏秫米湯 經方

半夏 一兩 秫米 三升 以水浸之 煮過 取湯

煎半夏服

金匱酸棗仁湯 治虛煩不得眠

棗仁五升 炙甘草五 知母二 川芎二 分二服

不能食

醫通云胃主納脾司運化故不食皆為中土受病然胃之土體陽而用陰脾之土體陰而用陽胃實則痞滿氣脹胃虛則飲食不甘胃熱則饑不能食胃寒則脹滿不食胃津不布則口淡無味胃中火盛則消渴易飢胃中有痰則惡心嘔涎脾虛則食後反飽食下不化脾津不藏則口甘畏食脾夾肝熱則吞酸吐酸此皆中土受病也至於腎臟陽虛不能腐熟水穀又當重於命門火受土母故也

羅謙甫云脾胃弱而不能食者不可用剋伐之劑宜異功散補之自然能食或食滯傷脾胃痞滿嘔逆權用枳實丸一

不能食

義下之下

六一

難症回

服慎勿多服 脾胃虛有痰不能食宜六君子湯 指南
有胃陰虛不能食口淡無味食少不思食咽乾口燥用金

匱麥門冬湯

饑不能食 醫通云此症有二一屬胃中虛熱六君子湯加

姜汁炒黃連一屬陰火乘胃六味地黃丸加肉桂五味子

又熱病後餘熱未盡脈虛洪宜竹葉石膏湯及甘涼養胃

法

惡食有虛實之分虛者倦怠色痿黃心下軟宜異功散加肉

桂實則心下痞悶惡心口苦二陳湯加黃連白朮枳實有

痰惡心嘔涎宜六君子湯加木香砂仁

嚴用和云人之有生不能攝養房勞過度真陽衰虛坎水不

溫不能上蒸脾土冲和失布中州不運是致飲食不進胸

膈痞塞或不食而脹滿或食而不消大腑澹泄等當補腎

腎氣若壯丹田火盛上蒸脾土中焦自治膈開能食矣宜
二神丸加木香六味地黃丸加肉桂五味子八味地黃丸
所謂虛則補其母是也

方

二神丸 治脾胃虛弱令不進食及泄瀉不止

補骨脂四兩

肉豆蔻二兩

棗肉丸

麴麥枳實丸

治強食所致心胸滿悶不快消食開胃進食

酒麴

麥芽

枳實各二兩

白木二兩

糊丸

癩狂癩

內經太陽所謂甚則狂癩疾者陽盡在上而陰氣從下也下
虛上實故狂癩疾也 陽明所謂病至則欲乘高而歌棄
衣而走者陰陽復爭而外并於陽故棄衣而走也 血并
於陰氣并於陽則為驚狂 足陽明之脉病甚則棄衣而

走登高而歌或至不食數日踰垣上屋所上之處皆非其
素所能也病反能者何也曰四肢者諸陽之本也陽盛則
四肢實實則能登高也熱甚於身故棄衣欲走也陽盛則
使人妄言罵詈不避親疎故不欲食故妄走也 有病怒
狂者此病安生曰生於陽也陽氣者因暴折而難決故善
怒也病名陽厥何以知之曰陽明者常動巨陽少陽不動
不動而動大疾此其候也治之奈何曰奪其食即已夫食
入於陰長氣於陽故奪其食即已使之服以生鐵落飲夫
生鐵落者下氣疾也 註足太陽少陽之脉常動不止即
怒狂也或診左關脉洪數而疾亦同但使勿食服生鐵落
飲即愈

癲疾何如曰脉搏大滑久自已脉小堅急死不治癲疾之脉
虛實何如曰虛則可治實則死 心脉滿大癰癥筋攣

屬心火

肝脉小急癰瘕筋攣屬肝風

二陰急為癰厥

二陰少陰也屬

腎虛

心脉緩甚為狂笑屬心風

微澀為癰疾

屬心榮虛

肺脉

急甚為癰疾宜五邪湯

腎脉急甚為骨癰疾

按脉急甚當用五邪湯

人生而有病癰疾者病名曰何安所得之曰病名為胎疾此

得之在母腹中時其母有所大驚氣上而不下精氣并居

故令子發為癰疾也

狂始生先自悲也喜忘苦怒善恐

者得之憂飢

狂始生少臥不飢自高賢也自辨智也自

尊貴也善罵詈日夜不休

狂言善驚善笑好歌樂妄行

不休者得之大恐

狂者多食善見鬼神善笑而不發於

外者得之有所大害

肝悲哀動中則傷魂魄傷則狂狂者意不存人

不精

精神恍惚行立倚斜

喜樂無極則傷魂魄傷則狂狂者意不存人

罵詈言不避親疏

註喜傷心而傳肺肺藏魄悲傷肺而傳肝肝藏魂此

五臟逆傳也魂屬陽其脉必虛微宜龍牡救逆湯魄屬陰

其脉必細弱宜磁珠丸

經云得之憂飢大恐大害皆是虛狂雖狂其勢必不成

難經脉有伏匿伏匿於何臟而言伏匿耶然謂陰陽更相乘更相伏也脉居陰部而反陽脉見者為陽乘陰也脉雖時沈瀆而短此謂陽中伏陰也脉居陽部而反陰脉見者為陰乘陽也脉雖時浮滑而長此謂陰中伏陽也 重陽者狂重陰者癲脫陽者見鬼脫陰者盲目 癲狂之病何以別之然狂之始發少臥而不飢自高賢也自辯智也自貴倨也妄笑好歌樂妄言不休是也癲病始發意不樂直視僵仆其脉三部陰陽俱盛是也

脉經云陰附陽則在陽附陰則癲 陽附陰者腰已下至足

熱腰以上寒也陰附陽者腰以上至頭熱腰以下寒也

脉法 瀕乃重陰狂乃重陽浮法言兆沈急凶殃 癲脉宜

虛實急者忌浮陽虛陰實者忌沉 奇經入脉其診又別

直上直下浮則為督牢則為衝緊則任脈寸左右彈陽蹻
可決尺左右彈陰蹻可別關左右彈帶脈當訣尺外斜上
至寸陰維尺內斜上至寸陽維督脈為病脊強癲癩任脈
為病七疝痲堅衝脈為病逆氣裏急帶主帶下臍痛精失
陽維寒熱目眩僵仆陰維心痛胸脇刺築陽蹻為病陽緩
陰急陰蹻為病陰緩陽急癲癩瘕瘕寒熱恍惚入脈脈症
各有所屬

準繩云諸方皆以初因涎鬱閉塞臟氣不通因之倒仆口吐
涎發也安知口吐涎沫豈止素積於胸中者哉大抵癲癩
之沫厥乃成厥由腎中陰火上逆而肝從之故作搐搦搦
搦則徧身之脂液促迫而上隨逆氣吐出於口也 更分
其有從標而得者有從本而得者標者止在經脈氣不通
眩運倒仆本者深入二腎間動氣中當時腎受傷而虛腎

藏志志不足則神躁擾所以經云其先不樂也所謂腎間
 者以腎居二傍離脊中三寸又有志室二穴越人分之左
 屬腎右為命門命門者精神之所舍原氣之所繫及論右
 腎之氣與左腎相通則謂之二腎間動氣是人的生命也係
 於生氣之原五臟六腑十二經脈之根本呼吸之門也或
 經脈引入外感內傷深入根本傷其生氣之原邪氣正混
 亂天樞不發衛氣固流於陰而不行不行則陰氣蓄滿鬱
 極乃發發則命門之相火自下焦逆上填塞其音聲惟逆
 出其羊鳴者一二聲而已徧身之脂液脾之涎沫皆迫而
 上胸臆流出於口五臟六腑十二經脈筋骨肉皆不勝其
 冲逆故卒倒而不知也食頃火氣退散乃醒醒後若邪氣
 從病發而散生氣得復則病不再作或邪不散仍與生氣
 混亂或邪雖退而三氣之原意當持不治則邪易入復

作也如此者多成常症故經曰癩疾者初病歲一發不治
月四五發也夫以胎始論之則七節之傍命門穴在其
後臍在其前腎在二傍胎在其中是故子臍係以胞蒂隨
母呼吸母呼亦呼母吸亦吸通母之生氣食母穀氣以化
育內外百骸之形者皆是腎間通氣所致也當母受驚之
邪子在母腹隨呼吸得之與腎間通氣混在其中雖生出
腹後一二歲始發或八九歲後發蓋小兒初生之陽如日
方升邪不易入故癩未發必待復感之邪入深與所感母
腹之邪相搏而後作夫如是大人小兒病此癩疾者縱
得稟質強壯終因邪害其生命之原難得終壽若發頻而
志愚者僅至四十陰氣衰半而已小兒質弱目瞪者則不
過歲月遠亦難出成人之年蓋腎間生命之氣虛而不復
故不得壽也諸方中所治皆不及此何哉東垣晝發灸陽

躑夜發灸陰躑為二躑能行下焦之陰陽陰陽行則動氣中之邪因而可散故也

癲病俗名失心風多因抑鬱不遂佗僚無聊而成精神恍惚言語錯亂喜怒不常有狂之意不如狂之甚狂者暴病癲則久病也宜湧劑湧去痰涎後服消痰甯神之劑宜南星五錢木香一錢加菖蒲姜汁竹瀝下壽星光 思慮傷心而得者酒調天門冬地黃膏多服取效 因驚而得者抱膽丸 有心經蓄熱發作不常或時煩躁鼻眼覺有熱氣不能自由有類心風稍定復作涼膈散加黃連麥冬菖蒲有病癲人專服四七湯而愈蓋痰迷為癲氣結為痰故也 白金丸能去鬱痰癲病由七情得之痰涎包絡心竅 孫兆治一僧患癲疾半年諸治不效令其口渴用酒調靈苑長砂散更以酒飲得睡二晝夜乃覺人事如故 陳

良甫治女人眼見鬼物言語失常循衣直視用心藥不效
投養正丹二貼乳香湯下以三生飲佐之立愈 滑伯仁
治僧病發狂譫妄視人皆為鬼診其脉累累如薏苡子且
喘且搏此陽明實狂也用三化湯下三四次更進涼藥愈
一妓心癡狂歌痛哭裸裎妄罵瞪視默默脉沈堅而結
日得之憂憤沈鬱食與痰交積胸中湧之皆痰積畏血復
清上膈全愈 一人方飯間坐定即搏爐中雜飯猛噬喃
喃罵人脉皆弦直上下行左寸浮滑蓋風痰留心包症也
湧痰沫四五升即熟睡次日乃寤病已除矣徐以治神之
劑 若脉乍大乍小乍有乍無六部四至如常忽如雀啄
如屋漏如蝦游魚戲此鬼祟之徵也宜灸之 秦承祖灸
鬼法以病者兩手大拇指相并用繩扎縛定以大艾炷騎
縫灸之甲及二兩指角肉四處着火一處不着即無效灸

七壯神驗

狂症治法在上者因而越之瓜蒂散上實者從高抑之生鐵
落飲抱膽丸養正丹 子和治落馬發狂湧吐出青黃涎
沫一二斗許索水與冰水飲數升而愈 陽明實則脈伏
宜下之大承氣湯 海藏治陽厥狂怒罵詈親疎或哭或
歌六脈舉按無力身表如水石發則叫呼聲高因不與之
食用大承氣湯下之得渣穢數升狂稍甯數日復發復下
如此五七次行大便數斗痰噎身温 當歸承氣湯保命
集云陽狂奔走罵詈不避親疎此陽有餘陰不足宜此湯
以大利為度微緩以衣蒂散三聖散吐之其病立安後用
洗心散涼膈散調之 子和治一人以調胃承氣湯大劑
下數十行三五日復上湧一二升三五日復下之凡五六
十日下百餘行吐亦七八度如吐時暖室置火以助其汗

此三法并施也 麟者發之子和治一婦年六十值徭役
頓獲而暴發狂口鼻覺如虫行二手爬搔數年不已診其
脉皆洪大如絃曰肝主謀膽主決徃彼迫遠財不能支則
肝屢謀而膽屢不能決屈無所伸怒無所洩心火盤薄垂
陽明然胃本屬土而肝屬木瞻屬相火火隨大氣入胃乃
暴發狂置暖室中湧而汗出如此三次又以調胃承氣湯
三服大下二十行血水與瘀血相雜而下數升而康以通
聖散調其後 虛者補之龍牡救逆湯一醉膏辰砂散蓋
狂之為病少臥少臥則衛獨行陽不行陰故陽盛虛陰令
昏其神得睡則衛得入於陰而陰得衛填不虛陽無衛助
不盛故陰陽均平而愈矣 仲師云病如狂狀妄行獨語
不休無寒熱其脉浮防已地黃湯主之 傷寒脉浮醫以
火逼劫之亡陽必驚狂起臥不安者桂枝去芍藥加蜀漆

龍骨牡蠣湯主之 初虞世用苦參末蜜丸薄荷湯下蓋
 子午乃少陰君火對化故味苦氣寒者類能助水而抑火
 諸躁狂越皆屬於火故苦參一味能治 有婦人狂言叫
 罵歌笑不常似宗憑依一邊眼與口角弔起或作狂治或
 作心風治皆不效乃是舊有頭風疾風痰使然用芎辛湯
 加防風數服愈

癩病與卒中瘧病相同但癩病仆時口中作聲將醒時吐涎
 沫醒後又復發有連日發者有一日三五發者有數月一
 發者卒中之類則仆時無聲醒時無涎沫醒後不復再發
 瘧病雖亦時發時止然其強直反張如弓不如癩之身軟
 或如階六牛羊之為也 瘧病或由熱甚而風燥為兼
 化涎逆為癩燥燥而痰涎逆者皆癩也三因以驚動臟氣
 不平驚動生涎則生狂狂在肝腹中受驚也

感六氣或飲食不節逆於臟氣而成蓋感六氣得之外散焉
恐得之內飲食屬下內外所因不同治法亦異 丹溪大
法分痰與熱多少治之以黃芩黃連枳實半夏南星為主
子和法癩病不至目瞪如愚者用三聖散投之更用火
盆令暖室中令汗吐下三法并行次服通聖散百餘日愈
矣 可下則以承氣湯下之 虛不禁吐下者宜南星五
錢木香一錢加菖蒲茯苓麥冬全蝎竹瀝姜汁下壽星丸
犀角丸 治法雜論云凡病發項強直視不省人事此乃
肝經有熱也或有咬牙者先用葶藶苦酒湯吐之吐後可
服瀉青丸下之次服通聖散顯咬牙症用導赤散治之則
愈如病發者可用輕粉白礬代赭石發過米飲下重以鎮
之 海藏云治長洪伏三脉風癩驚癩發狂惡人與火者
灸第三椎第九椎服雄黃解毒丸若治弦細緩三脉諸癩

以狂者用五生丸。晝發治陽躄，夜發治陰躄。先灸二躄，二七壯，準繩云：凡灸癰，必須先下之，乃可灸，不然則氣不通，能殺人。千金云：病先身熱，瘧驚啼而後發，脈浮洪者為陽癰，病在六腑外，在肌膚，猶易治也；先身冷，不驚，掣不啼，叫病發，脈沈者為陰癰，病在五臟內，在骨髓，難治也。

劉宗厚曰：陰陽癰，猶急慢驚，陽癰不因吐下，由其有痰，有熱，客於心胃之間，因聞大驚而作；若熱盛，雖不聞驚，亦自作也。宜用涼藥以攻之，陰癰亦本於熱痰，所作醫以寒涼攻下，太過損傷脾胃，變而成陰，宜用溫平補胃燥痰之藥治之。若曰不因驚，症而有陰陽之分，則是指痰熱所客，表裏臟腑淺深而言，癰病豈本自有陰寒者哉？病愈後，痰熱藥中加養血寧神之藥，如四物、棗仁、遠志、麥冬、安神、服餌，不穀功，如逆節，不再作矣。

癰脈 脈洪長

伏為風癩 弦細緩為諸癩 浮為陽癩 沈為陰癩
虛弦為驚 沈數為實熱 沈小急實者不治虛而弦急
者不治 有病久生虫者面色痿黃或時吐沫脈緊數或
數疾宜妙功丸取虫

李時珍曰經有言癩狂疾者又言癩疾為狂者是癩狂兼病
也邪入於陽者狂邪入於陰者癩蓋癩疾始發志意不樂
甚則精神呆癡言語不倫而睡如平時以邪并於陰也狂
疾始發多怒不臥甚則兇狂欲殺目直罵詈不識親疎而
夜多不臥以邪并於陽也然俱不似癩疾發則吐涎神昏
卒倒無知口噤牙緊抽搐時之多少不等而省後起居飲
食皆若平人為別也癩雖分而為五曰雞馬牛羊猪名者
以病狀偶類故也其實痰火氣驚四者而已所以為治同
乎癩狂也 歌括癩狂癩疾初起多痰者以三聖散吐之

風盛有痰者用青州白丸子熱盛有痰者用滾痰丸痰而形氣實用猪心蒸甘遂末加硃砂服痰兼氣鬱者四七湯白金丸驚痰者用控涎丹虛者抱膽丸癩病發時灸百會以甦為度再發再灸以愈為止初發用皂角汁灌鼻內其風涎即從鼻口中涕唾而出若甦後其涎不止以鹽湯服之自止

龔商年云推其病因狂由大驚大怒病在肝膽胃三陽并而上升故火熾則痰湧而心竅為之閉塞癩由積憂積鬱病在心脾包絡三陰蔽而不宣故氣鬱則痰迷神志為之混淆癩病或因驚恐或由飲食不節或由母腹中受驚以致內臟不平經久失調一觸積痰厥氣內風卒然暴逆莫能禁止待其氣反然後已至於主治察形症診脉候以辨虛實

三聖散

瓜蒂 炒後黃

防風

藜蘆

等分

為粗末每服半兩以

薑汁三碗先二碗煎三五沸取出薑汁次入水一碗并薑
一碗煎三沸又入煎過薑汁同一處熬二沸去渣澄清放
溫徐徐服之以吐為度不必盡劑

苦丁香散 治忽患心疾癲狂不止得之驚憂之極痰氣上

犯心包當伐其源

苦丁香 即甜瓜蒂 為末每服壹錢重井花水調滿一盞投

之得大吐之後熟睡勿令人驚起凡吐能令人目翻吐時
令閉雙目或不省人事則令人以手密掩之信乎深痼疾
必投瞑眩之藥吐不止以射否少許溫湯下即解

瓜蒂散 治卒中痰迷涎潮癱或癲狂煩亂人事昏沈五癩

痰壅

甜瓜蒂

炒黃

赤小豆 等分

為末酸薑水調服吐不止葱白

湯解之良久不出者含沙糖一塊即吐

勝金丹

醫通

治癡病狂怒叫號遠年近日皆效但失心風癲

悲愁不語勿用

石信

一分

萊豆

三百粒

生枝子

四分

雄黃

一分

急性子

二分

為末每服七八分強人至一錢加水片少許入糕餅內食

有一服即應者有服二三服應者胃氣厚薄不同也

又方

石信 五分

萊豆 一分半

梔子

二分

為末作五服用冷

水調下後投熱湯即吐

按此如不吐可用梔子 古散 淡

豆豉

研碎四合

煎服下勝金丹一服

葶藶苦酒湯

治癡狂頑躁百床叩頭

苦酒

一斤半

葶藶

七合

取七合作三服取吐

碧霞丹 治卒中急風眩暈僵仆痰涎壅塞心神迷悶牙關

緊急目睛上視及五種癇病涎潮搐搦

石綠 研九度水飛拾兩 川烏尖 草烏尖 蝎尾 各七十箇

三味為末和勻麵糊丸雞頭實大每服一丸薄荷湯化下
更以溫酒投之須臾吐出痰涎

壽星丸 南星 二兩 琥珀 二兩 硃砂 五分 糊丸

天門冬煎

天門冬 二兩 生地 三兩 煎濃汁日三服

抱膽丸 治一切癲癇風狂或因驚恐怖畏所致及婦人產

後血虛驚魚入心并室女經脉通行驚邪蘊結累效

水銀 二兩 硃砂 二兩 研黑鉛 二兩半 乳香 二兩 細研

將黑鉛入銚子內下水銀結成砂子為極細末入硃乳酒

麴糊丸雞頭實大每服一丸井水下病得睡切莫驚勤覺

即安再服一丸可除根

原方殊乳共入鈹內煎熟槌丸朱砂居火且棄蘇尤服下

驚氣丸

本事

治驚症積氣瘧風邪發則牙關緊急涎潮昏塞

醜則精神若癡

附子 木香 姜蚕 花蛇 橘皮 天麻 麻黃

葛根

各

紫蘇

兩南星

半兩

硃砂

各

加片射蜜丸龍眼大酒下

一丸此予家秘方也一軍人犯法將受刑而得失釋精神

頓失如痴予與一丸服訖而寐及覺病已除矣一婦避寇

失心已數年予投此不終劑而愈又一婦狂厥者踰十年

諸醫不愈予投此方去附子加鐵粉亦不終劑而愈鐵粉

非但化痰鎖心亦平肝邪如鐵落飲意

白金丸

白礬

三兩

鬱金

五兩

為末糊丸

有薄荷一兩

長砂散

治風痰諸癇狂言妄走精神恍惚思慮迷亂乍歌

乍哭飲食失常痰發仆地吐沫戴眼魂魄不守

硃砂 兩

酸棗仁

乳香 各半兩

為末作一服量患人

飲酒幾何先令恣飲沈醉但勿令吐至靜室中眼前藥酒下服訖令臥淺者半日至一日病深者三二日但勿喫覺待其醒則神魂定矣若驚寤不可復治一少年心病服此五日方寤

養正丹

水銀

黑鉛

流黃

硃砂

各二兩 研細三味

用黑蓋一隻火上熔黑鉛成汁次下水銀攪次下硃砂攪今不見星子放下少時方下流黃末攪成汁和勻如有酸以醋洒之候冷研極末糊丸菜豆大每服三十丸鹽湯下

洗心散

白木 兩半

麻黃

當歸

荆芥

芍藥

甘草

大黃 各兩

為末或煎服或末服

一醉膏

治心恙

用無灰酒二碗香油四兩和勻用柳枝二十條逐條攪一
二百下候香油與酒相入成膏溫灌之熱睡則醒或吐下
即安

當歸承氣湯 當歸 大黃各二兩 甘草五兩 芒消七兩

每服二兩姜棗煎服

龍牡救逆湯 治亡陽驚狂起臥不安煩躁

桂枝三兩 炙甘草三兩 生姜三兩 大棗五枚 龍骨四兩研末

牡蠣五兩為末 蜀漆炒三兩無此亦可 煎服一老婦失心言語不

常不得寐脉虛此方歸芪二服全愈

防已地黃湯 治病如狂狀妄言獨語不休無寒熱其脉浮

防已一兩 桂枝 防風各三兩 甘草一兩 右四味酒煎湯

生地黃漬蒸如斗米飯取汁和分再服 生地黃用二觔

生鐵落飲

生鐵火燒赤沸砧上鍛之有花出如蘭如蛾紛紛隨也者

是鐵落取數斤水煎湯俗名鐵矢

石膏三兩 龍骨兩半 茯苓兩半 防風兩半 黑參二兩

秦艽二兩 竹瀝一升 鐵落湯煎服二合日五服

五邪湯 治癩狂中風神思昏憤五邪所侵或歌或哭或喜

或怒發則無時

防風 桂枝 白芍 遠志 獨活 白朮 秦艽

禹餘糧石 石膏 牡蠣 炙甘各二兩 雄黃 防已

茯苓 菖蒲 蛇退炒二兩 每服四錢水煎服

磁珠丸 治癩狂癩如神

磁石水飛二兩 珠砂飛二兩 酒麴糊丸 或入酒麴末三兩此本方每服二錢

犀角丸 治風癩癩發作有時揚手擲足口吐涎沫不省人

事暗倒屈伸

犀角末 半兩 赤石脂 三兩 朴消 二兩 姜虫 一兩 薄荷 二兩

為末糊丸梧子大每服二三十丸温水下

紅丸子 方在傷食門 註云男子婦人癩疾未必皆由心經畜熱

亦有因膽氣不遂以致痰飲上逆迷心竅服涼劑過多愈

見昏亂常以此藥衣珠砂陳皮湯下名小鎮心丸 產後

狀如癩癩此敗血上攻迷亂心神所致醋湯下其效尤速

龍蒼丸 治肝膽之火神志不甯驚悸搐搦指南治狂治癩

當歸 膽草 梔子 黃連 黃柏 黃芩 各兩 大黃 五兩

青黛 蘆薈 各 木香 各 蜜丸姜湯下

五生丸 李仲南 治癩如神

南星 半夏 川烏 白附子 各兩 大豆 去皮二升半

為末水丸桐子大每服三丸至五丸不得過七丸姜湯下

五味俱生用

丹礬丸 治五癰 已驗

黃丹二兩 白礬二兩 茶葉二兩 為末米糊丸每服三十丸

治癰疾一月除根方

川芎二兩 防風 牙皂 欝金 明礬各二兩 蜈蚣二條

為末酒餅糊丸梧子大空心茶下拾五丸服一月除根

補遺癩狂症必要吐痰非吐痰不愈癩用藜蘆末以常山菜

菹子淡豆豉梔子加川芎白芷藜蘆煎湯二三碗調藜蘆

淨末一錢服用吐法吐多必效 狂病用勝金丹或藜蘆

亦可用藥湯吐法吐多效

內癰

歌括云凡人胸腹有十一募募者各臟腑陰會之所也經云

發內癰內疽者本經募上肉必浮腫募中必時時隱痛浮

腫為癰隱為疽此即內癰內疽之驗也茲內癰有治法內

內癰

義下之下

七五

雜症四

疽無治法何也蓋內癰內疽其病源無殊惟在根淺根深之別耳根淺為癰根深為疽若臨症用藥攻補得宜無不收效至募十一而內癰僅九症何也蓋膽腑形如膜皮無出無納汁清氣潔不生內癰內疽若夫膀胱亦如膜皮中為濁水故古今書籍并無講及內癰內疽者然中極穴即膀胱募也今人間有中極穴或浮腫或隱痛所見症候竟同小腸癰治法亦同小腸癰

肺癰

脉訣云 肺癰已成脉數而實肺痿之移數而無力肺癰面白肺宜短濇不宜浮大重糊嘔血 醫通云肺癰初起脉不宜數大潰後最忌短濇脉來緩滑面白者生脉來弦急面赤者死

金匱問曰病欲逆秋之何以知此為肺癰師曰脉數虛

者為肺痿數實者為肺癰肺癰當有膿血吐之則死其脈何類師曰寸口脈浮而數數則為熱浮則為風浮則汗出數則惡寒風中於衛呼氣不入熱過於榮吸而不出風傷皮毛熱傷血脈風舍於肺其人則欬口乾喘滿咽燥不渴時唾濁沫時時振寒熱之所遇血為之凝滯畜結癰膿吐如米粥始明可救膿成則死

肺癰喘不得臥葶藶大棗瀉肺湯主之 肺癰胸滿脹一身

面目浮腫鼻塞不聞香臭清涕出欬逆上氣喘鳴迫塞葶藶大棗瀉肺湯主之 欬而胸滿振寒脈數咽乾不渴時出濁唾腥臭久久吐膿如米粥者為肺癰桔梗湯主之分溫再服則吐膿血也

肺癰係肺臟蓄熱復傷風邪鬱久而成癰以致胸內中府穴即肺募在乳上第三肋骨間隱隱疼痛振寒脈數狀類傷

寒咽燥不渴欬而喘滿唾稠粘黃痰兼臭穢膿血也治法
初起膿未成風鬱於表法宜疎散用加減雙解散以發汗
若氣壅喘滿不得臥者急服葶藶大棗瀉肺湯 若欬而
有微熱煩滿胸中甲錯膿欲成者宜千金葶梗湯及桔梗
湯

肺癰吐膿腥臭形如米粥者宜桔梗湯以排餘膿 咯吐膿
血午後身熱煩躁宜金鯉湯兼飲童便金鯉湯亦能排膿
屢有效驗 若潰後胸膈脇肋隱痛不止口燥咽乾煩悶
多渴自汗盜汗眠臥不得吐稠痰腥臭此癰腫未盡而兼
裏虛宜甯肺桔梗湯 若癰膿已潰喘滿腥臭濁痰俱退
惟欬咽乾咯吐血脇肋微痛不能久臥者此屬肺癰
潰處未斂宜紫菀葶藶湯清補之渴甚加石膏 若癰膿濃
潰後欬嗽無休膿痰不盡形氣虛羸者宜清金甯肺丸

肝癰惟以身溫脈細膿血交粘痰色鮮明飲食甘美膿血漸止便潤者為吉若手掌皮粗潰後六脈洪數氣急顛紅污穢血白懶食及大便結燥者為凶 首尾忌傷津液

方

加減雙解散

防風 荆芥 麻黃 石膏 薄荷 桔梗 桑皮

黃芩 知母 連翹 前胡 瓜蒌 杏仁 甘草

貝母 若用射干麻黃湯恐傷津液此方唯宜

葶藶大棗瀉肺湯

葶藶 桑微炒研 大棗肉 五枚 煎服

千金葶梗湯

葶梗 即蘆管取節二升 仁米 三合 桃仁 五十枚研 瓜蒌仁 半升研

桔梗湯 桔梗 兩 甘草 兩

金鯉湯

金色鯉魚 一尾約重四兩 貝母 二分為末 將魚去肚腸勿經

水入貝母線札定用白童便大半碗重湯炖煮以魚眼突出為度一日食盡功效甚捷

甯肺桔梗湯

桔梗 貝母 當歸 瓜蒌仁 生黃芪 枳殼

甘草 桑皮 百合 仁米 冬冬 五味 骨皮 知母

杏仁 葶藶 天冬 麥冬

紫苑茸湯

紫苑茸 桑皮 冬花 百合 阿膠 蒲黃 杏仁

貝母 花粉 天冬 麥冬 冬瓜子 炙甘 仁米

大棗

清金甯肺丸

熟地黄二兩 當歸 白芍各兩 川芎各兩 白朮二兩 茯苓五兩
 人參 黃芪 桔梗 貝母 骨皮 天冬 麥冬各兩
 炙甘 五味子各兩 蜜丸

腸癰

脉訣 腸癰實熱滑數可知數而不熱關脉花虛微瀼而緊
 未膿當下紫數膿成切不可下

金匱云諸脉浮數應當發熱而反洒淅惡寒若有痛處當發
 其癰

師曰諸癰腫欲知有膿無膿以手掩腫上熱者為有膿不熱
 者為無膿

腸癰之病其身甲錯腹皮急按之濡如腫狀腹無積聚身無
 熱脉數此為腸癰內有癰膿薏苡附子敗漿散主之

腸癰者小腹腫痞按之則痛如淋小便色白調時時發熱自

汗出復惡寒其脈遲緊者膿未成可下之當有血脈洪數者膿已成不可下也大黃牡丹湯主之頓服之有膿當下無膿當下血

臍下三寸即關元穴任脈小腸募臍旁各開三寸即天樞穴脾脈大腸募關元下一寸臍下四寸即中極穴任脈膀胱募此四處有一處隱痛微腫者腸癰也

腸癰脈遲緊者未有膿也宜下脈洪數者已有膿也宜薏苡仁湯

腸癰初起發熱惡風自汗身皮甲錯一募穴隱痛微腫按之腹內急痛者腸癰也大腸癰多大便重墜小腸癰多小便澇滯脈俱遲緊沈緊此時癰膿未成也宜大黃湯下之瘀血利盡自效若小便閉澇加滑石琥珀大小腸癰諸白溼熱氣滯凝結而成或努力瘀血或產後敗血蓄積流

注於大小腸中初起亦宜散瘀和血湯下之 其脈瀉者宜

癰成日久不潰身皮甲錯內無積聚腹不急痛身無熱而脈數或細數或數而無力者係腸內陰冷不能為膿宜薏苡附子散 腹急而腫按之卻軟宜托裏丹皮湯

腸癰脈來洪數壯臍高突肚痛脹滿不食動轉側身有水聲便淋刺痛者乃癰膿已成也宜薏苡仁湯 或加大黃 腹濡而

痛少腹急脹時時下膿者毒未解也宜大黃牡丹湯 腹

痛脹滿時時下膿者宜薏苡仁湯以排餘膿 婦人產後

多有少腹痛脹便淋不食縱非癰宜薏苡仁湯服之尤效

腹脹而痛轉側作水雞聲時時下膿在排膿之後者宜

托裏丹皮湯托裏排膿散兼服蠟礬丸腸癰內托最止疼

痛

腸癰若膿臍出腹脹不除飲食少思面白形羸者氣血俱虛

腸癰

義下之下

七九

癰瘡

也宜八珍湯加黃芪肉桂五味子補而熉之 若腹外腫
高起頂膿欲外出也宜服托裏之藥膿熟針之

患腸癰者不可驚驚則腸斷而死病人坐臥轉側極宜徐緩
時少飲薄粥及服八珍湯固其元氣靜養調理庶可保全
其身

腸癰延纏日久醫藥失治以致毒攻內臟腹牽陰腸胃受傷
或致陰器紫黑腐爛色敗無膿每流污水衾幃多臭煩躁
不止身熱嗌乾俱屬逆症

方

大黃湯 大黃 丹皮 朴消 桃仁 芥子 等分

每服五錢煎服

大黃壯丹湯 丹皮 赤婁仁 各分 桃仁 各分 朴消 各分

大黃 五錢

散瘀和血湯 腹痛便閉不可急下宜此

川芎 歸尾 桃仁 赤芍 蘇木 丹皮 枳殼

瓜蒞仁 煨榔 大黃

薏苡附子敗漿散

薏苡 附子 敗醬 為末服 或加丹皮桃仁

薏苡仁湯

薏苡 瓜蒞仁 各三分 牡丹皮 桃仁 各二分 或少加大黃

托裏丹皮湯

人參 黃芪 白朮 川芎 當歸 茯苓 木香

炙甘 白芍 肉桂 瓜蒞仁 桃仁 丹皮 薏苡

白芷

托裏排膿散 當歸 黃芪 白芷 銀花 山甲

防風 川芎 瓜蒞仁 薏苡

八珍湯 人參 白朮 茯苓 炙甘草 當歸 川芎

白芍 熟地黄 無參可用黃芪

胃癰

臍上四寸即中脘穴任脉胃之募也

胃癰寒熱如瘧中脘穴隱痛微腫身皮甲錯者胃脘生癰也

肺來遲緊或沈緊或滯澹皆是膿未成也宜清胃射干湯

以下瘀血甚者大黃湯下之初起未成膿速宜下之去其

瘀血否則邪毒內攻腐爛腸胃矣

吐膿脉洪數者薏苡仁湯排之但脉洪數者內已有膿也宜

薏苡仁湯吐膿盡則愈 或用赤小豆薏苡防己甘草等

分排膿最袖

若吐膿血飲食少忌體倦煩悶當補胃氣如生脉四君子湯

大半夏湯十全大補湯之類或佐薏苡仁湯相間服以排

餘膿

其逆症如腸癰

方

清胃射干湯 治胃脘癰膿未成有表症

射干 麻黃 犀角 麥冬 元參 大黃 黃芩

朴消 枳子 竹葉

脾癰

臍上二寸各開六寸時尖盡處肋骨下即章門穴足太陰經

脾之募也

脾癰章門穴隱痛微腫腹脹咽乾小水滯澇者脾癰也初宜

大黃湯大黃牡丹湯下後腹脹滿疼痛脈洪數者內有膿

也宜薏苡仁湯加大黃以下膿腹脹已消體倦不食宜托

裏散生脉四君子湯 或初起用大黃湯合薏苡仁湯下

胃醫 脾癰

義下之下

八二

排空四

之即消

肝癰

乳旁一寸半再直下一寸半即期門穴足厥陰經肝之募也
肝癰期門穴隱痛微腫二肋脹滿脇痛側臥則驚便溺更難
者肝癰也初起宜服復元通氣散次服柴胡清肝散

方

復元通氣散

青皮 陳皮 瓜蒌仁 銀花 連翹 各兩 山甲

甘草 各兩 為末酒下二錢

柴胡清肝散

柴胡 黃芩 花粉 甘草 當歸 川芎 白芍

生地 梔子 連翹 升子 防風 丹皮

腎經

身側腰中監骨下即京門穴腎之募也

腎癰寒熱往來京門穴隱痛微腫面白不渴少腹及肋下填
脹塞滿者腎癰也初起服五積散加細辛寒熱退痛止宜
八味地黃丸調理

腎癰宜溫補腎臟以腎主虛主寒也

心癰

臍上六寸即巨闕穴任脈心之募也

心癰寒熱身痛巨闕穴隱痛微腫面赤口渴引飲者心癰也
宜涼血飲若飲酒太過而發者宜麻葛湯心主熱故宜涼
心癰是在心部空間處生曰心癰餘臟同

三焦癰

臍下二寸即石門穴任脈三焦之募也

三焦癰寒熱二便閉塞腹脹滿痛石門穴隱痛微腫不可按

者三焦癰治同腸癰

凡內癰俱係膜內成患皮外不腐惟心癰甚屬罕有但其治法不可不備

方

涼血飲

荆芥 花粉 連翹 枹子 生地 麥冬 竹葉

防風 瞿麥 車前 甘草 白芷 銀花 桔梗

大麻風

大麻風一因風土所生中國少有此症惟烟瘴地面多有之一因傳染或遇生麻風之人或父母夫妻家人遞相染或在外不謹或奠坑房屋疎鋪衣被不潔一因不調攝洗浴乘涼希圖快意或露臥當風睡眠濕氣入骨其因名雖有此三總為天也為氣感之不覺未經發世積久

而發

初起遍身麻木次起白屑皮兼起紅斑蔓延如汗斑狀形若蛇皮脫落成片鬚眉漸次脫落者婆論云病之初起或如針錐所刺名曰刺風或如虫走名曰遊風或徧身掣動名曰暍風或不覺痛癢名曰頑風或肉起如桃李小棗核從頭面起者名順風從足下起者名逆風或如連錢團圓赤白青烏斑駁名曰痛風或徧體生瘡或如疥癬或如魚鱗或如榆莢或如錢孔或癢或痛黃汁流出肢節壞爛悉為膿血或不癢不痛或起或滅青黃赤白黑變易不定是也始發之始自上而下者順自下而上者逆漸來可治頑發難醫

風毒入裏化生五虫食人五臟若食人脾語變聲散又云徧身如癬食人肝眉睫墮落又云面起紫泡食人心徧身生

瘡又云先損其目食人肺鼻柱崩倒鼻中生息肉又云先落眉毛若食人腎耳鳴啾啾或如車行雷鼓之聲又云足底先穿食人皮皮膚頑痺食人筋肢節墮落垂生至多入於骨髓來去無礙壞於人身

五死症麻木不仁為皮死切割不痛為肉死潰爛無膿為血死手足脫落為筋死鼻梁崩塌眼眩斷裂昏翻聲啞為骨死若五死見一即為敗惡不治之候也

歌括治法初覺即服萬靈丹汗之次宜神應消風散追風散磨風丸次第服之牙齦出血用黃連貫仲煎湯漱之外搽類聚祛風散兼用地骨皮荆芥苦參細辛各二兩河水煎湯浸洛熏洗

若遇損敗之症在上部則服醉仙散在下部則服通天再造散看其疔瘡上先見上體多者病在上也下先見下體多

者病在下也上下同得者病在上復在下也醉仙散取臭惡血於齒縫中出通天再造散取惡物蛭垂於穀道中出雖有上下之異不外陽明經而已 若鼻梁塌壞用換肌散主之患者稍露虛象即以補氣瀉滯湯主之兼飲何首烏酒若能清心寡慾戒口早治或有可生若口味不能清淡色慾不能斷絕即愈後仍不免再發終於不救

方

神應消風散

全蝎 白芷 人參 各二兩 為細末每用二錢空心温酒調服覺身微躁為效 無參可用黃芪

追風散

大黃 六兩

礬金 一兩八錢

皂角刺 二兩五錢

二兩五錢

為細末每用五錢加大楓子油一錢五分朴消一錢五更

如記

空心温酒調服待長時又如前加蜜少許服之以蜜解口
切不可臥良久痛瀉數次不妨以稀粥補之 如一日服
消風散二日服此追風散三日服磨風丸週而復始又如
此服之瘦弱者十日內追風散只用一服老弱者勿服
按不可下者可服換骨顯應丹

磨風丸

稀仙草 牛子 麻黃 蒼耳草 細辛 川芎

當歸 荆芥 京子 防風 車前子 靈仙 天麻

首烏 羌活 獨活 各兩 為末糊丸梧子大服六七十

丸日二服

類聚祛風散

硫黃 寒水石 桂心 各二兩 蛇床子 二兩

朴消 五錢 共研末用酒煮之 無名毒水石可用石膏煨

醉仙散

牛子 胡麻 枸杞 京子各兩 苦參 蒺藜 防風

花粉各五錢 共研細末每服一錢加輕粉一分二厘研勻

茶清調晨午晚各一服五七日後先於牙縫內出臭黃涎

渾身疼痛如醉後利下惡物臭氣病根乃去 丹溪方

通天再造散

大黃二兩 皂角刺二兩半 鬱金五錢 白丑牛 粟米六錢

共研細末每服二錢或三錢酒調早晨服當日利下惡物

或虫或膿為效 丹溪方

換肌散 按此藥料卒時難取即用祖方換骨顯應丹極驗

烏蛇 白花蛇 蚯蚓壺 細辛 木鱉子 白芷

天麻 白芍 京子 當歸 靈仙 荆芥 菊花

不灰木 紫參 苦參 沙參 首烏 菖蒲 木賊

天冬 川芎 蒺藜 甘草 胡麻 倉木 草烏各三錢
為末每服五錢酒調服

補氣瀉滯湯

連喬六分 升麻六分 桔梗五分 黃芩四分 生地四分
黃連三分 桃仁三分 當歸三分 黃芪三分 蘇木三分
全蝎三分 人參二分 白豆蔻一分 甘草一分 酒水各半煎服

何首烏酒

首烏四兩 當歸兩 歸尾兩 山甲炒兩 生地兩
熟地兩 蝦蟆兩 側柏四錢 松針四錢 加皮四錢
川烏四錢 草烏四錢 二烏泡用

炮酒服

阿魏雷丸散 者婆治癘病單用此散效驗

阿魏 雷丸 雄黃 紫石英 硃砂 白薇 犀角

紫草草 各錢 石膽 雌黃 菘蘆 各三錢半 滑石 二兩

蟹螯虫 走翅子枚 芫青 子枚 二味用麻子炒熟去麻子 牛黃 一錢

共為細末空心酒下一錢勿飽食使虫毒易出小便淋痛

止效勿效 身有難取者小有出入亦可 按服蟹螯小

便必淋痛歌括治大咬同大黃用甚得其法

換骨顯應丹 祖方治麻風七十二症風癬瘙癢頭面手足編

身疥癩極癢抓起白皮痞或偏身諸癬此方祖云治數十

人神效見驗無二

當歸 二兩 葳蕤 六兩 苦參 六兩 大風子肉 二兩 胡麻 三兩

海丁皮 三兩 茯苓 二兩 防風 三兩 荆芥 三兩 黃連 兩半

後味隨意加入

全蝎 五錢 殭蠶 五錢 天麻 五錢 虫退 五錢 連喬 二兩

靈仙 五錢 牛子 二兩 其大楓子仁用黃柏二兩水煮去柏

右共為末米糊丸小豆大每服酒下二錢上中下部服
按無海丁皮亦效

烏白癩

烏白癩俱由惡風侵襲皮膚血分之間火鬱耗血及犯觸忌
害而成有烏白二種烏癩發在徧身初覺皮毛變黑上起
若癢疹癢若虫行手足頑麻針刺不痛目視昏花心常驚
而妄言凡飲食言語之時開口出氣而鳴 白癩發無定
處皮色漸變白斑上起若癢疹四肢頑疼肉如針刺心常
懊懣手足緩縱背脊拘急語聲嘶啞目視不明鼻生息肉

三豐人云

按二症大同小異癩即大麻風也但只發一處二處治法
同但外治宜黑神膏

歌括治癩先服醉仙散次服通天再造散 祖方按骨顯應

丹亦佳

大黑神膏

頭髮雞子大 川芎 黃連 黃柏 防已 川烏

升麻去心 巴豆仁 杏仁各十四粒

用猪油二觔煎至頭髮化去渣入雄黃白礬水粉各五錢
松脂如雞子大攪勻熱鹽湯洗淨日塗三次

徧身癢

加味消遙散 治血虛有熱徧身癢曝心煩目昏老人每多

此

當歸 白芍 茯苓 白朮 柴胡 丹皮 梔子

甘草

胡麻散 治風熱癩疹癢或兼赤暈小兒徧身癬疥瘡

胡麻 苦參 首烏 荆芥各兩半 靈仙 防風 菖蒲

烏白癩 徧身癢

義下之下

全

雄黃

牛子 菊花 京子 痰恭 甘草 各兩

為末酒調服三錢

防風通聖散 治皮膚風刺癢疹或赤或白或痛癢出汁去

扑消加麻黃葱豉以發

消風散 治風溼浸淫血脉致生瘡疥搔癢不絕及大人小

兒風熱癩疹遍身雲片斑點乍有乍無并效 按風熱目

亦效

當歸 生地 防風 蝉退 知母 牛子 苦參

胡麻 荆芥 蒼木 石膏 各 甘草 木通 各五分

虫

虫由少陽風木溼熱鬱蒸而成觀日中有雨則禾節生虫木
火屬春夏溼土屬季夏水從土化故多虫焉人忌虫積多
因飢飽失宜中晚氣虛溼熱失運故生寸白諸虫或如蠅

蚓或似龜鱉小兒最多大人亦有其候心嘈腹痛嘔吐涎沫面色痿黃眼眵鼻下青黑嗜食米紙茶葉泥炭之類沈沈默默欲眠或微寒熱

九蟲皆由臟腑不實脾胃皆虛雜食生冷甘肥油膩醎藏等物節宣不時腐敗停滯所以發動又有神志不舒精魄失守及五臟勞熱或病餘毒氣血鬱積而生或食瓜果與畜獸內藏遺留諸虫子類而生虫之為候嘔吐涎沫口出清水痛有來去乍作乍止寸白虫色白形扁損人精氣力乏腰疼蛻虫細如菜虫能為痔漏瘡癩疥癰疽等患此外又有兒童疳蠱昏睡煩躁鼻爛口臭齒斷生瘡下利黑血虫食下部為狐下唇有瘡虫食其臍為惑上唇有瘡人有屍虫此物與人俱生而為人大害屍虫之形狀似大馬尾或薄筋依脾而居乃有頭尾皆三寸又有九虫一曰伏

虫長四分二曰虺虫長一尺三曰白虫長一寸四曰肉虫
狀如爛杏五曰肺虫狀如蠶六曰胃虫狀如蝦蟆七曰弱
虫狀如爪瓣八曰赤虫狀如生肉九曰蛻虫至細微形如
菜虫狀伏虫則羣虫之主也虺虫貫心殺人白虫相生子
孫轉多其母轉大長至四五尺亦能殺人肉虫令人煩滿
肺虫令人欬嗽胃虫令人嘔吐胃逆喜噦弱虫令人多唾
又名膈虫赤虫令人腸鳴蛻虫居曲腸之間多則為痔劇
則為癩或生瘡癢或生諸癰疽癬癩高疥齧白無所不為
婦人常多其虫凶惡人之極患也常以香草沐浴佳凡一
切香草屍虫所畏也

凡欲服補藥及治諸病皆須先去諸虫并去痰飲宿滯醒除
盡才可服補藥不爾必不得藥力

醫者最宜留心

九虫在人腹中月上旬頭向上中旬橫之下旬頭向下故中

下旬用藥即不入虫口所以不驗也牛馬之生子上旬生者行在母前中旬生者并肩而行下旬生者隨後之猫之食鼠亦然上旬先食上段中旬先食中段下旬先食下段自然之理

本事方云肺虫如蠶能殺人居肺葉之內蝕人肺系故成瘵疾由是欬嗽咯血聲嘶藥所不到治之為難道藏經載諸虫頭皆向下唯自初一至初五以前虫頭向上故用藥多取效又云用獼爪為末調藥於初四日初六日治之此日肺虫上行也

虫在肝令人恐怖眼中赤墜在心心煩發躁在脾勞熱四肢腫急在肺欬喘急在腎腰痛足痿醫者不察謬指凡動屬火屬痰寒涼轉傷脾胃卒至夭枉

蛔虫者是九虫之一也長一尺亦有長五六寸或因臟腑虛

弱或因食甘肥其發動則腹中痛發此種聚行來上下痛
有休息亦攻心痛腹中熱口中喜涎及吐清水貫傷心者
則死凡腹痛其脉當沈弱弦今反洪而大即蛔虫痛也宜
火煨史君子與食以穀煎湯送下甚妙每月初四五間五
更服之至日午前虫盡下

仁齋云血入於酒則為酒釐血凝於氣則為氣釐敗血雜痰
則為血痰掉頭掉尾上侵胃脘食人脂膜或附脇背或隱
胸腹惟蕪荑仁炒煎服之然必兼養胃益血理中乃可殺
之若徒用雷丸錫灰不能去也

金匱問曰病腹痛有虫其脉何以別之師曰腹中痛其脉當
沈若弦反洪大故有虵虫 虵虫之為病令人吐涎心痛
發作有時毒藥不愈甘草粉蜜湯主之 虵厥者當吐虵
今病者靜而復時煩此為厥寒虵虫入其腸故煩須臾復

止得食而嘔又煩者就聞食臭出其人當自吐就就厥
烏梅丸主之

戴人治法追虫去積以剪紅丸 醫通癩狂癩痂有虫妙功
丸噎隔反胃有虫剪紅丸心腹痛發歇有時喜吐涎沫金
匱丸痛丸

良子每覺心中多嘈雜依良方黑鉛灰錫灰四錢一服先喫
猪肉脯少許一時來 用砂糖濃水半盞調灰五更服翼
日下虫二條一長二尺五寸頭匾闊尾尖銳每寸作一節
斑斑如錦紋一條寸斷矣 夏戚宗診患腹脹曰脉洪而
大溼熱生虫之象况飲食如常非水腫鼓脹之症以石榴
皮椿樹各東行根加檳榔三味各五錢長流水煎空心頓
服少頃腹作大痛瀉下長虫一丈許遂愈 毛景得奇疾
每語喉中必有物作聲相應有道人教令誦本草藥名至

藍而默然遂取藍搗汁而飲之少頃吐出肉塊長一寸餘
人形悉具自後無聲 楊勛中年得異疾每發言應答腹
中有小聲效之數年聞其聲寢大有道人見而驚曰此應
聲虫也久不治延及妻子讀本草至雷丸無聲頓服之遂
愈一丐者亦有是疾使服雷丸亦愈 趙子山苦寸白虫
醫戒云是疾當止酒而以素所躄嗜欲罷不能一夕醉渴
飲織草履浸紅藤根水寢後虫出盈席 吳少師數月間
肌肉消瘦飲食下咽腹如萬虫攢攻且癢且痛因以夏夜
出師中塗渴飲澗水似有物焉未暇吐之則徑入喉矣自
此遂得病張銳曰虫入肝脾裏勢須滋生常日遇食時則
聚飽則散苟惟知殺之而不能掃盡故無益也宜飢甚時
溫酒一升投土攪其內出藥百粒此虫喜酒又久不得土
味乘飢畢集一藥能洗空之須臾暴下如傾穢惡斗許有

馬蝗干餘而愈 蔡康苦寸白虫醫用栝榔細末取石榴
東引根煎湯調服先炙肥猪肉一大鬻寘口中嚼咀其津
膏而勿食凡虫惟月初五以前其頭向上可用藥攻打餘
日即頭向下縱有藥皆無益虫聞肉香哂啖之意即空羣
爭赴之覺胸中如萬箭攻攢是其候也然後飲前藥虫下
如傾聯綿成串幾長數丈尚蠕蠕能動

金匱狐惑之為病狀如傷寒默默欲眠目不得閉臥起不安
蝕於喉為惑蝕於陰為狐不欲飲食惡聞食臭其面目乍
赤乍黑乍白蝕於上部則聲啞甘草瀉心湯主之蝕於下
部則咽乾苦參湯洗之蝕於肛者雄黃薰之 脉經云病
人或從呼吸上蝕其咽或從下焦蝕其肛陰蝕上為惑蝕
下為狐狐惑病者猪苓散主之 凡得傷寒及天行熱病
腹中有熱又人食少腸胃空虛三虫行作求食蝕入五臟

及下部若斷無色舌上盡白甚者脣裏有瘡四肢沈重
忽忽喜眠心內懊懣痛悶當數看其脣脣內如粟瘡者此
虫在上蝕也虫食下部為狐下脣有瘡虫食其臟為惑上
脣有瘡

方

剪紅丸 專取一切虫積 諸方改定

大黃 丑牛頭末 檳榔各兩 蕪荑仁 雷丸各五錢

木香三錢 丁香錢半

為細末用大皂角水篩九壯人每服五錢弱人每服三錢
小兒減半五更用砂糖水下

麥門冬湯 治肺勞熱生虫其形如蚕令人欬逆氣喘此從
勞氣所生

麥門冬十兩

乾姜

蜀椒各兩

黃芪

百部

檳榔

各兩半

遠志 附子 細辛 炙甘草 杏仁 各半兩 肉桂 一兩

蜜丸棗大化下

桑白皮酒 治勞熱生虫在肺為病

桑根白皮 東行者二兩 百部 檉榔 各五錢

酒煎空心服

脱

俞嘉言云夫人之身陰陽相抱而不相離是以百年有常故

陽欲上脱陰下吸之不能脱也陰欲下脱陽上吸之不能

脱也即病態非一陰陽時有亢戰旋必兩協其平惟大醉

大勞亂其常度使魂魄不能自主精神上下離決矣蓋上

脱者皆是思慮傷神甚人多汗面如渥丹妄見妄聞如有

神靈閉目轉盼覺身非已有恍若離魂者然下脱者多緣

房勞傷精其人翁翁少氣不能飲食大便滑泄無度小便

脱 義下之下 九三 脫山 雜症四

清利倍常或夢寐走泄晝夜遺精或精血并脫不能自主
復有上下俱脫者良由上盛下虛精華外脫其人必嗜甘
肥好酒色而體肥痰盛往往有類中之虞常見有壯歲無
病一笑而逝者此上脫也少年交合一注而傾者此下脫
也顛仆遺尿喘鳴大汗者此上下俱脫也 醫通云脫之
一症內經雖有精脫者耳聾氣脫者目不明又有脫陽者
見鬼脫陰者目盲等症咸非俞氏所言之暴脫也夫暴脫
之患每嘗見於膏粱充飫之家藜藿艱虞之輩未之有也
其於百藝之中惟鳴於醫者殫心竭力以博虛聲非他伎
術但勞神形而神氣無傷之比屢有暴脫
華岫雲云脫即死也諸病之死皆謂之脫蓋人病則陰陽偏
勝偏勝之極即死矣人之生也負陰抱陽又曰陰在內陽
之守也陽在外陰之使也是故陰中有陽陽中有陰其陰

陽樞紐自有生以至老死頃刻不離離則死矣故古聖先賢創著醫籍百病千方無非為補偏救偏和協陰陽使人得盡其天年而已夫脫有陰脫陽脫之殊內經論之最詳難經又言脫陽者見鬼脫陰者目盲此是脫時之情狀明理者須預先為之挽救則可若見鬼目盲而治之已無及矣葉先生治法回陽之中必佐之陰藥攝陰之內必兼顧陽氣務使陽潛陰固庶不致有偏勝之患至於所脫之症不一如中風眩暈嘔吐喘衄汗多亡陽之類是陽脫也瀉痢崩漏胎產下多亡陰之類是陰脫也痧脹乾霍亂痞滿瘕厥臟腑窒塞之類是內閉外脫也陽脫於上陰脫於下即人死而魂升魄降之謂也總之陰陽樞紐不脫病雖重不死然則陰陽樞紐何在其在於命門歟

指南案陳遺尿目瞑口開面亮汗油陽飛欲脫無藥力挽擬

參附湯法加入童便圖元真接續耳又參附湯加五味子
又陽回汗止神甦無如陰液欲涸心熱渴飲姑救胃汁生
脉散加茯神蓮子 周脉革無根左尺如無大汗後寒瘧
頭顛痛躁渴不寐此屬亡陽平昔飲酒少穀曰陽辛甘未
得必達有乾嘔格拒之狀真危如朝露矣勉議仲師救逆
湯收攝潰散之陽翼有小安再議治病救逆湯加參附
徐恰交第七日鼾聲阿欠目瞑煩躁論脉微細而促此皆
二氣不相接續衰脫之徵最速是清神熄風方法難以進
商急固根蒂做河間地黃飲子 黃腎脉不得上縈肝風
突起揪旋阿欠鼾聲口禁汗出陰陽不續危期至速地黃
飲子極是 一陵脉大不斂神迷嚙語陰陽不相交合為欲
脫之象救陰無速功息鎮固陰陽莫其甦息人參茯神
阿膠小麥龍骨牡蠣又液陰枯槁陽氣獨升心熱驚惕倏

熱汗泄議用復脈湯甘以緩熱充養五液去薑桂加牡蠣
氏脈如雀啄色枯氣促身重如山不思納穀乃氣血大
虛慮其暴脫人參生地阿膠麥冬炙甘草牡蠣 朱氏久損
不復真氣失藏交大寒節初之氣厥陰風木主候肝風乘
虛上擾氣升則嘔吐氣降則大便寒則養內更甚熱則神
煩不甯是中下之真氣杳然恐交春前後有厥脫變幻擬
進鎮逆法人參牡蠣龍骨附子桂枝白芍炙甘草 艾自半
月前寒熱二日色脈愈弱食減寢少神不自持皆虛脫之
象議固之瀉之不及理病人參龍骨牡蠣桂枝炙甘草棗
又脈神稍安議足三陰補方人參熟地枸杞茯神五味淮

夕